

深密解脫經卷第一

蓋

元魏天竺三藏菩提流支譯

序品第一

歸命釋迦牟尼佛

如是我聞一時婆伽婆住法界殿如來境界衆寶赫焰一切莊嚴第一之處通至无量諸世界廣放大光明普照之處無量善巧差別住處无有分齊過分齊處過諸一切三界境界出世間上上善根境界成就之處善得清淨自在解脫无導之處諸佛如來神力住持之處无量菩薩衆所行處無量諸衆天龍夜叉乾闥婆阿修羅迦樓羅緊那羅摩睺羅伽人非人等之所行處是大法界究竟滿足喜樂之處畢竟能與一切衆生利益之處離諸一切煩惱垢處離諸一切諸魔怨敵諸佛住持莊嚴之處大法意去之所明處奢摩他毗婆舍那大乘之處入空無相無願大解脫樂處無量功德衆大寶蓮華王之所莊嚴處婆伽婆住如是等不可思議自在之處

○深密解脫經

深密解脫經卷第一 第二品 蓋

諸佛如來善覺所覺離於二行到無相處行諸佛行得諸如來一切平等到無障導之所去處能到一切不退法輪能到不可降伏境界不可思議體能到一切三世平等通至一切諸世界身到於諸法無疑之處能到一切究竟智行慈能到於法智无疑得諸一切無分別身能答一切菩薩問智能到无二行之彼岸能到諸佛無有差別解脫智處能到无邊無中三昧境界廣大如法界究竟如虛空盡未來際與諸無量聲聞衆俱心善調伏皆是佛子善得心解脫善得惠解脫善得清淨式求法者與樂成就衆聞住持多聞具足多聞善思所思善說所說善作所作善得一切速疾般若善得一切疾去般若善得一切猛利般若具足三明見第一法得究竟行能作清淨受大施主具足成就寂靜威儀畢竟成就忍辱柔和善受佛教能如說行時諸无量菩薩衆皆從無量種種佛土而來集會是諸菩薩皆住一切所求大處畢竟能取無

深密解脫經卷第一 第三品 蓋

上大法得一切衆生平等之心離諸一切分別分別降伏一切諸魔怨敵離諸一切聲聞辟支佛之所念處得大法味喜樂具足過五怖畏得不退地一乘之體現前能滅一切衆生怖畏之地如是等不可說不可思不可稱不可量不可數菩薩衆俱

聖者善問菩薩問品第二

今時婆伽婆百千万阿僧祇大衆前後圍遶為諸菩薩說甚深法時大衆中有聖者菩薩摩訶薩名曰善問在衆中坐即依無言无有二相第一義諦問聖者深密解脫菩薩言佛子言一切法不二一切法不二者何者為一切法云何名不二今時深密解脫菩薩告善問菩薩言善男子言一切法者有二種何等為二一者有為法二者無為法善男子有為法者非有為非无為無為法者非有為非非菩薩言佛子云何有為法非有為非無為云何無為法非有為非無為深密解脫菩薩言善男子言有為法者唯是如來名字說法所言如來名字

第一九冊

說法者惟分別言語名為說法善男子若惟名字分別言語名為說法者常不如是但種種名字聚集言語成是故言非有為善男子言無為者惟言語體善男子假使離於有為無為者彼法亦如是善男子雖無言語而不空說事佛子何者為事而言不空說所謂聖人知聖人見聖智知聖見見無言所證為欲說彼無言語法依相說彼有為無為善男子言無為者惟長如來名字說法名字說法者是分別相分別相者即言語相善男子言語相者即是名字之所集法名字集者是虛妄法虛妄法者常無如是種種分別名字不成即言語相是故我說非無為善男子言有為者但是名字若離有為無為法者彼亦如是善男子而非無事說彼言語善男子何者為事而言聖智知聖智見無言證法無言證法故說名非有為善問菩薩言佛子云何彼事無言所證聖智知聖智見而言為彼無言證法說彼有為無為言語深密解脫菩薩言善男子等

如幻師幻師弟子住四衢道積聚草木枝葉瓦石在於一處示現種種幻術所作所謂象馬車步諸兵摩屈真珠琉璃珂貝珊瑚帝車乘馬璫錢財穀帛庫藏諸物示如是等種種異事善男子有諸愚癡無智凡六見聞彼事不知彼是草木瓦石生如是心實有此諸法馬車步摩屈真珠琉璃珂貝珊瑚帝車乘馬璫錢財穀帛庫藏等物以現見故彼愚癡人如是見聞即取修行畢竟為空餘者虛妄善男子彼人復更須求上上法善男子復有智慧非愚癡者見象馬等知是草木瓦石等體彼人見聞生如是心彼諸如是象馬車等我見非實此幻所作有此象馬車步兵等虛妄之相種種異事幻惑人眼彼智慧人如所見聞不取為實亦不執著亦不取此畢竟為實餘者虛妄而知為義取彼言語此人不須更觀勝法善男子凡夫衆生未得聖人出世間智亦復如是凡夫愚癡不如實知無言語法見聞有為無為之法生如是心有此

有為無為之法如我見聞是故彼人如所見聞畢竟而取執著為實如所見聞如是受行此畢竟實餘者虛妄彼人更須觀察勝法善男子復有衆生非是愚癡見於實諦得諸聖人出世間智如實能知一切諸法證無言語真實法體而彼衆生見聞有為無為之法生如是心如所見聞無如是等有為無為名字等法復作是念有此有為無為言說從虛妄分別行相而生如彼幻法迷惑於智以生有為無為異異名相彼人了知不如見聞如是取著此是真實餘者虛妄為顯彼義而取言語彼人不須更觀勝法善男子如是彼事聖人智知聖人見見無言所證為欲證彼無言之法說彼有為無為名相今時深密解脫菩薩而說偈言
深義無言語 諸佛說不二 癡人依無明 戲論著二法 長行世間道 往來无休息 生於畜生中 以離第一義
聖者墨無竭菩薩問品第三
今時聖者墨元竭菩薩摩訶薩依於

如實第一義諦過諸一切世間覺觀境界之相白佛言世尊我憶過去世復過彼過去世離此世界七十七恒河沙世界過彼无量恒河沙世界已有佛國土号名稱世界彼中有佛名毗摩羅吉諸如來往彼國土我於今時遊化衆生往彼世界今時見有一外道師止住一處有七万七千弟子聚集其所依第一義相思惟諸法彼諸外道迭共推覓第一義相稱量第一義相思惟第一義相觀察不見第一義相生異異意異見異異執著立異朋黨起於諍論口力交諍出不善言迭共相乱起散而去世尊我於今時即生心念希有諸佛如來出世以依如來出世間故今得見聞過於一切世間境界第一義相得證第一義相見第一義相證一切滅相

尔時世尊告曇无竭菩薩言曇无竭如是如是我覺過諸世間境界第一義相如是覺已而為人說以示於人顯示於人建立是法何以故我為聖人說我內身自所證法為諸凡夫說

覺觀境界迭共所知曇无竭汝今當依此義而知所謂過諸世間境界是第一義相復次曇无竭我說第一義者是過一切諸相境界覺觀是名諸相境界如是我說第一義者是元言境界覺觀是名言說境界曇无竭我說離諸言語是第一義相覺觀名字是世諦相如是我說離諸諍論是第一義相覺觀名字是諍論相曇无竭依此義相汝今應知過諸世間覺觀境界是第一義相曇无竭譬如有人盡於一形歌辛苦味樂辛苦味彼人不能知不能覺不能量不能信石蜜阿婆婆等甘美之味曇无竭有人長夜信貪欲樂樂著貪欲為貪欲火燒內心身不能知不能覺不能量不能信離諸一切色聲香味觸元貪欲樂曇无竭有人長夜信分別樂樂於分別不能知不能覺不能量不能信內身寂靜无分別樂曇无竭有人長夜樂見聞覺知樂信樂而行彼人不能知不能覺不能量不能信內身寂滅離見聞覺知樂曇无竭如人長夜取

我我相樂信樂而行彼人不能知不能覺不能量不能信比讚單越无我我所樂曇无竭如是覺觀之人不能知不能覺不能量不能信離諸覺觀第一義相尔時世尊而說偈言

我說身證法 第一離言境 離覺觀諍相 元言第一義

聖者善清淨 善清淨惠菩薩問品第四

尔時聖者善清淨惠菩薩摩訶薩依第一義過一異相白佛言世尊世尊善說希有妙法第一義諦微細極細甚深之義過一異相所謂難證世尊我憶往昔在於一處見住信行地諸菩薩等集坐一處思有為行第一義諦為一為異有諸菩薩言有為行相異第一義復有菩薩作如是言非有為行異第一義而作是言有為之行不異第一義復有菩薩生於疑心而起異意作如是言此諸菩薩中何者是實說何者虛妄說何者是正念修行法何者是邪念修行法世尊

彼諸菩薩作是思惟此諸善男子等皆是愚癡非善黠惠不善知法墮邪

深密解脫經卷第一 第十張

念中何以故以不能知有為之行微細无相過一異相第一義相故尔時佛告善清淨惠菩薩摩訶薩言善清淨惠如是如是彼諸一切善男子等皆是愚癡不善黠惠不知正法墮邪念中何以故以不能知微細行相過一異相第一義相故何以故善清淨惠若有為行不異第一義相者一切愚癡諸凡夫等亦應見第一義諦即凡夫身亦應得彼无上清淨涅脥之樂亦應得彼阿耨多羅三藐三菩提善清淨惠若有為行不異第一義相者見第一義諦時應見有為行相若有為行相是有相者相即是縛不應得解脫若見實諦不離相縛者不應得解亦不得脫煩惱之縛以不離彼二種縛故不應得彼无上清淨涅脥之樂亦不應得阿耨多羅三藐三菩提善清淨惠以是義故愚癡凡夫不見實諦亦非即此凡夫之身得彼无上清淨涅脥亦非即彼凡夫之身能得阿耨多羅三藐三菩提是故見實諦者不應見彼有為無為行相一之

深密解脫經卷第一 第十一張

與異是故彼人見有為行相第一義相一異之義不成一異善清淨惠汝當應知彼諸菩薩言有為之行第一義相是一是異者彼諸菩薩非正念是邪念復次善清淨惠若有為行相第一義相二不異者如有為行墮在染相第一義相亦應墮染善清淨惠若有為行相離第一義相異者如是一切有為之行不應與彼第一義同故善清淨惠第一義諦不墮一切煩惱染中以是得言有為之行第一義諦得言同相是故善清淨惠汝不應言有為行相第一義諦有一有異復次善清淨惠若有為行相第一義相二不異者第一義諦不異有為一切諸行如是一切有為之行亦應不異第一義相而彼有為異第一義若不異者如實行者見聞覺知有為行相不應更求无上勝法善清淨惠若有為行相第一義相不異者即有為行應名無我无自體相是第一義相善清淨惠復有過失謂於一時差別異相此是染相此是淨相是故善清淨惠

深密解脫經卷第一 第十二張

第一義相異有為行相而非不異有為行相是故彼諸如實行者見聞覺知更求勝法以如實知有為行故得於无我第一義名而不一時有染有淨二相差別是故離彼有為行相第一義相不一不異義亦不成善清淨惠彼諸菩薩作如是言有為行相第一義相不一不異者彼諸菩薩不名善說善清淨惠汝當應知彼諸菩薩不名正念如實行者是名邪念善清淨惠譬如珂白不可說一不可說異如是金黃莖葉妙聲沉水香味華芬香味訶梨勒咎味皆蔗糖味梵羅系軟絲乃至醍醐不可說一不可說異善清淨惠如是一切有為行體无常之相不可說一不可說異一切有漏所有苦相不可說一不可說異一切法中無我之相不可說一不可說異貪瞋癡染不寂靜相不可說一不可說異善清淨惠如是一切有為之行第一義相不可說一不可說異善清淨惠如是我得細微細深甚深難證極難證過一異相第一義諦覺覺已為人

說示開示現示建立今時如來而說偈言

有為界實諦一異相離相 若分別一異彼癡非正念 彼人為相縛 及為煩惱縛 修毗婆舍那 奢摩他得脫

惠命須菩提問品第五

今時世尊依一切處一味等味第一義諦告惠命須菩提言須菩提汝知一切眾生界中幾所眾生依我依慢說我所所得須菩提汝知一切眾生界中幾所眾生離我離慢說我所所得須菩提自佛言世尊我於眾生界中實少見眾生離我我慢說我所得世尊而我實見无量阿僧祇不可說眾生於眾生界中依我我慢說我所得世尊如我憶念過去世時住於一處阿蘭若園今時多有諸比丘等依於我所四面而住世尊我於今時見彼比丘於日西下一處聚集取種種法相說所證諦法世尊有諸比丘取於陰相說為證法有諸比丘見陰生相說為證法有諸比丘見陰滅相說為證法有諸比丘說陰滅法有諸比丘說陰

滅現證法有諸比丘見於入相說為證法有諸比丘取十二因緣相說為證法有諸比丘取起行相說為證法有諸比丘取於諦相說為證法有諸比丘取諦因相說為證法有諸比丘取離諦相說為證法有諸比丘取證諦相說為證法有諸比丘取修行諦相說為證法有諸比丘取界法相說為證法有諸比丘取種界相說為證法有諸比丘取無量界相說為證法有諸比丘取減界相說為證法有諸比丘取減界證相說為證法如是諸比丘取四念處相說為證法有諸比丘取四對治相說為證法有諸比丘取四念處修行相說為證法有諸比丘取未生四念處為生四念處修行相說為證法有諸比丘取已生四念處為不失修行相說為證法有諸比丘取已生四念處為增廣修行相說為證法如是諸比丘取正勤如意根

力覺道未生為生為住為不忘失為增廣取相說為證法世尊我見彼諸比丘生如是念是諸比丘以著我相取我慢相如是說證何以故以不能知第一義諦一味等味相是故世尊我作是念世尊出世希有希有善說勝法一切處第一義一味等味微妙甚深難覺難知何況外道而能得解佛告須菩提如是如是如汝所說我所證法細微極微深甚深極深難覺極難覺一切處一味等味相第一義諦是我所證證已為人開示演說示極示開示現示何以故須菩提所謂陰界入因緣起行實諦境界念處正勤如意根力覺道等須菩提我說五陰中清淨觀三十七品是第一義相一切陰界入念處正勤如意根力覺道一味等味相須菩提依於此義汝今應知一切處一味等味第一義相復次須菩提如實修行比丘如實知一陰如第一義諦法無我於餘界入因緣起行界念處正勤如意根力覺道等更不別觀真如第一義法無我

深密經卷第一 第十六 惟依隨順真如依止不二法證一切處

一味等味第一義相須菩提汝依此義應如是知所謂一味等味第一義相復次須菩提如彼陰界入因緣起行界念慮正勤如意根力覺道等被差別若真如第一義諦法無我有差別相者真如證法第一義諦亦應有因若有因者應從因生若從因生應是有為若是有為不應得名第一義諦若非第一義諦者應更推求第一義諦須菩提提是故真如第一義諦法无我非從因生亦非有為法亦非不第一義諦亦非為彼第一義諦更求第一義諦惟是常常時恒恒時如未出世若不出世法性常住法體常住法界常住須菩提汝依此義應知此諸一切法相一味等味第一義諦須菩提譬如無量種種差別色相无和元有分別無有差異一切處虚空等味一體一相須菩提一切諸法自相差別一切處一味等味第一義相今時世尊而說偈言
如來應說法一切一味相不離第一義

見別是憍慢
一云此經卷第一 第十六 聖者廣惠菩薩問品第六

今時聖者廣惠菩薩摩訶薩依於心相白佛言世尊如來說諸菩薩善知心意識深密法者世尊云何菩薩善知心意識深密之法世尊以何義故如來說諸菩薩善知心意識深密之法今時世尊告廣惠菩薩言善哉善哉廣惠汝今乃能問於如來如此深義廣惠汝能為與一切衆生安隱樂具悉令滿足廣惠汝為哀愍一切天人多所安樂多所饒益乃能問我如是之義善哉廣惠諦聽諦聽我為汝說心心意識深密之義廣惠於諸六道生死之中何等何等衆生仰生胎生濕生化生受身生身及增長身初有一切種子心生和合不同差別增長廣所成就依二種取何等二種一者謂依色心根取二者依於不分別相言語戲論熏集而取廣惠色界中依二種取生無色界中非二種取生廣惠汝識名阿陀那識何以故以彼阿陀那識取此身相應身

深密經卷第一 第十六 故廣惠亦名阿黎耶識何以故以彼

身中住著故一體相應故廣惠亦名為心何以故以彼心為色聲香味觸法增長故廣惠依彼阿陀那識能生六種識所謂眼耳鼻舌身意識身廣惠若一境界現前一識身起無分別意識即共眼識一時俱生廣惠若二三四五境界現前五識身起无分別意識即與五識一時俱生廣惠譬如流水若一緣起即生一波若二若三乃至衆多因緣俱起即生衆波廣惠而彼流水亦不斷絕復次廣惠譬如無垢清淨明鏡若有一像因緣現前即見一像若有二三衆多像現即能具見衆多異像廣惠而彼明鏡為彼種種諸像不異廣惠如彼流水明鏡像等依止阿陀那識住持阿陀那識若一眼識因緣現前即一意識共彼眼識同時取境廣惠若五識身五種因緣一時現前无分別意識即共五識一時取境廣惠如是菩薩摩訶薩依法住智如實善知心意識深密之法廣惠而佛不說諸菩薩等是善解

知心意意識深密之法廣惠若菩薩
不見內外阿陀那不見阿陀那識能
如實知不見阿黎耶不見阿黎耶識
不戲論心不見眼不見色不見眼識
不見耳不見聲不見耳識不見鼻不
見香不見鼻識不見舌不見味不見
舌識不見身不見觸不見身識廣惠
菩薩不見內外意不見內外法不見
內外意識能如實知廣惠我說如是
諸菩薩等善知第一義廣惠是故我
說菩薩應知心意意識深密之法廣
惠菩薩如是解知心意意識深密法
已我說是人是真菩薩今時世尊而
說偈言
諸種阿陀那能生於諸法我說水鏡喻
不為愚人說
深密解脫經卷第一

癸卯歲高麗國大藏都監奉
勅彫造

深密解脫經卷第二 蓋

元觀天竺三藏菩提流支譯

聖者功德林菩薩問品第七

今時聖者功德林菩薩摩訶薩依一
切法相白佛言世尊世尊說諸菩薩
善知法相世尊善知諸法相者
云何名善知諸法相世尊善知諸法相者
幾種法故名善知一切法相而如來
說菩薩善知一切法相今時佛告功
德林菩薩摩訶薩言善哉善哉功德
林汝今乃能問佛此義功德林汝能
為與一切衆生安隱樂具悉令滿足
功德林汝能哀愍一切人天多所安樂
多所饒益乃能問我如是之義善哉
善哉功德林汝今一心諦聽諦聽我
為汝說功德林一切法相有三種相何
等為三所謂虛妄分別相因緣相第
一義相功德林何者虛妄分別相所
謂名相所說法體及種種相名用義
等功德林何者諸法因緣之相所謂
十二因緣依此法生彼法謂依元明
緣行乃至生大苦聚受功德林何者

是諸法第一義相所謂諸法真如之
體諸菩薩等正念修行至心修行證
不二法證彼法已乃至得成就阿耨
多羅三藐三菩提功德林譬如有人
目中有翳是眼識過功德林虛妄分
別亦復如是功德林譬如有人眼中
有翳見毛輪纒及胡麻子青黃赤白
等相現前功德林因緣之相亦復如
是功德林譬如有人眼淨無濁離眼
翳過即彼眼見自性境界不生迷惑
功德林第一義相亦復如是功德林
譬如世間清淨琉璃置青色中即因
陀羅青色出大因陀羅摩尼寶光明
因陀羅青色大因陀羅摩尼之寶光
明現前迷惑衆生以為寶寶功德林
即彼清淨琉璃之體置赤色中即出
赤波頭摩摩尼之寶光明現前迷惑
衆生以為寶寶功德林即彼清淨琉
璃之體置綠色中即出綠色摩尼之
寶光明現前迷惑衆生以為寶寶功
德林即彼清淨琉璃之體置黃色中
即出金色摩尼之寶光明現前迷惑
衆生以為寶寶功德林如彼清淨琉

通鑑解義卷第二 第三張

璃之中種種異色如是他力因緣相中虛妄分別名字章句熏習之體亦亦應知功德林如彼清淨琉璃因陀羅青色大因陀羅青色因赤色綠色黃色為金等寶種種現前迷惑眾生皆以為實功德林如是他力因緣相中虛妄分別名字章句亦亦應知功德林如彼清淨白琉璃體他力因緣亦亦應知功德林即彼清淨琉璃之體无彼因陀羅青色大因陀羅青色無彼青寶赤綠黃金等寶如是寶體常常時恒恒時無如是等一切寶體功德林即彼他力因緣相中彼虛妄分別名字章句常常時恒恒時無如是等虛妄分別名字章句體相應知功德林而依名相因緣分別因緣相應知功德林依虛妄因緣執著名相是故見他力因緣功德林依他力因緣執著虛妄分別之相見第一義相功德林菩薩於彼因緣相中如實能知是知虛妄分別之相若薩余時名為能知諸法无相功德林菩薩若知因緣法相如實知諸因緣法已能如

通鑑解義卷第二 第四張

實知諸法染相能如實知染相法已能知第一義相能如實知第一義相已能如實知清淨法相功德林菩薩若於他力因緣法中能如實知无相之法如實知已遠離染法離染法已得證一切清淨法相功德林菩薩如實能知虛妄法相能如他力因緣法相能知第一義相无相如實能知染相淨相離染法相證淨法相功德林菩薩摩訶薩應當如是善知諸法是故佛說菩薩摩訶薩善知諸法余時世尊而說偈言
如實知諸法 即捨染法相 捨染法相已 證於清淨法 不觀有為過 慙忿放逸等 諸法常不動 離相名菩薩
聖者成就第一義菩薩問品第八
今時聖者成就第一義菩薩依无體相第一義相白佛言世尊世尊我獨在於空閑之處生覺觀心作如是念如來種種說於諸陰自體相法所謂能知生滅之相離於如是諸入因緣而起諸行如是說諸諦自體相所謂知離證修如是說諸界自體相種種別

通鑑解義卷第二 第五張

相種種界相無量界相如是說諸念慶正勤如意根力覺道自體對治修行未生令生已生令增廣世尊復說一切法本來无體一切法本來不生一切法本來不滅一切法本來寂靜一切法本来自性涅槃世尊是故我問如來此義如來何意作如是說余時佛告成就第一義菩薩言善哉善哉成就第一義汝能如是正念思惟生此覺觀復言善哉成就第一義汝今乃能問佛此義何以故汝為安樂一切眾生安隱一切眾生為欲利益一切眾生安隱一切天人故問此義成就第一義汝一心聽我意何故作如是說一切法本來无體相一切法本來不生一切法本來不滅一切法本來寂靜一切法本來涅槃成就第一義我意依諸法三種無體相作如是說一切諸法无自體相何等為三所謂依諸法无自體相無生體相第一義諦无自體相成就第一義諸法无自體相者諸分別相何以故以彼諸法隨名相說非有自體是故我言无自體相成

就第一義何者諸法無生體相謂諸法無體相何以故以彼生法依他力因緣非自體相是故我說無生體相成就第一義何者是第一義無體相成就第一義第一義無體相者一切諸法本无生體是故我說一切諸法無自體相以彼依於因緣生故以依第一義无體相故何以故成就第一義於諸法中清淨觀相我說彼是第一義相成就第一義以他力相中清淨觀故是故我說第一義諦無自體相成就第一義一切諸法無成就相是故我說彼第一義諦无自體相何以故成就第一義諸法無我无我體相是故我說彼一切法无自體相成就第一義以是彼法依無體得名是故我說第一義諦无自體相成就第一義如空中華無自體相一切諸法无自體相亦復如是是故我說一切諸法無自體相應如是應知成就第一義譬如幻作種種色像諸因緣法无自體相亦復如是是故我說一切諸法無自體相成就第一義第一義諦无

自體相亦復如是是故我說第一義諦無自體相成就第一義如空中華色元體相得名如是第一義諦無自體相亦復如是成就第一義我意依此三種法無體相故說言諸法无自體相法復次成就第一義我意依相无自體相說言諸法無自體相彼法本不生彼法本不生滅彼法本寂靜彼法本未涅槃何以故成就第一義若一切法无自體相彼法不生若法不生彼法不滅若不滅不生彼法本寂靜若法本未寂靜彼法本未清淨若法本未清淨彼法本未涅槃若如是彼法無有少法可滅今入涅槃成就第一義是故我意依彼相說彼法無自體相是故我說一切諸法本不生復次成就第一義第一義者依无我得名是故我意依第一義无體相故說言諸法本不生何以故成就第一義以第一義法無我得名是故名為第一義諦无自體相常常時恒恒時一切法體常住謂無為體離諸一切煩惱相應若法常常時恒恒時依彼法體

住彼法不生不滅以無為故若法无為彼法本未寂靜若法本未寂靜彼法本未涅槃以遠離一切煩惱毒相應故是故第一義法无我得名我說諸法無自體相一切法本不生一切法本未不滅一切法本未寂靜一切法本未涅槃成就第一義一切眾生眾生界中不知不覺虛妄分別法體差別亦不能知他力因緣法體差別亦復不見第一義諦法體差別是故我說三種法无自體相成就第一義而諸眾生虛妄分別諸法體相他力法體第一義體虛妄分別名字體相說因緣法第一義法成就第一義一切眾生如是如是說如是受用依名字心依隨順心依名用使心依彼分別名字體相執著他力因緣法體第一義體成就第一義如是如是執著如是如是依他力法虛妄執著者因緣法體依彼因緣生未來世他力法體為煩惱染業染生流轉六道長夜受苦不能出離生死苦縛所謂地獄畜生餓鬼阿修羅天人諸趣成就第一

義隨所有衆生不種善根不能清淨一切罪業不能成就諸善根力不多信法不集功德智慧之業我為彼說諸法不生彼諸衆生聞我所說因緣和合有為行生彼衆生知諸法无常不恒不可歸依異轉滅於諸一切有為行中生驚怖心生遠離心生驚怖心生遠離心已彼諸衆生不行惡法修行善法修行善法者依善法因不種善根者種諸善根不清淨罪業者清淨罪業不成熟諸根者能令成熟依彼成熟善根力故能多信法多信法者能集功德智慧之藏成就第一義彼諸衆生雖種善根乃至能集一切功德智慧之藏成就第一義而彼衆生於彼因緣諸法之體无生體相及第一義無體相法不如實知不如實知故於諸一切有為行中不能生厭不能遠離是故彼諸一切衆生不得解脫煩惱染業染生染成就第一義如來為彼諸衆生故重說彼法所謂因緣無體第一義元體令彼衆生於有為行生厭離心為得解脫煩惱

煩惱業染生染彼諸衆生聞我所說於彼諸法无生相中於一切法虛妄分別中第一義諦无體相中能生正信思惟彼法如實覺知於他力中不生執著虛妄分別諸法體相但知唯是名用得名唯是隨順名用得名唯是隨順名用彼諸煩惱得名是故彼諸一切衆生能滅他力因緣諸相依於現法智慧之力斷彼未來一切因緣是故依彼因緣正見能離一切有為諸行厭離一切有為行已得正解脫遠離業染煩惱染生染成就第一義聲聞性衆生依此道依此法得聲聞涅槃緣覺性衆生亦復如是依此道依此法得緣覺涅槃佛乘性衆生亦復如是依此道依此法得阿耨多羅三藐三菩提成就第一義是故我說聲聞緣覺菩薩一清淨道成就第一義唯一清淨道更無第二我意依此故說一乘成就第一義而衆生界中非元種種性軟中上根衆生成就第一義寂滅聲聞性人一切諸佛盡力教化下能令其坐於道場得阿耨

多羅三藐三菩提何以故成就第一義以彼自性本來狹劣一向少於慈悲之心一向怖畏一切諸苦以少慈悲一向捨於利益衆生成就第一義若一向畏苦一向離諸有為之行彼人遠離利益衆生遠離能度諸衆生業是故我說彼人不能證阿耨多羅三藐三菩提我說名為寂滅聲聞成就第一義發菩提心聲聞人者而我說彼名為菩薩何以故以彼菩薩先離煩惱障得慧解脫後離智障得心解脫彼菩薩如來初化依自身利益而得解脫是故我說彼是聲聞性人菩薩成就第一義我善說法中善如意法中善毗尼法中善清淨法中清淨法中不錯依種種性說種種法相成就第一義是故佛意依此三種無體相法說不了義修多羅法所謂諸法本來不生本來不滅本來寂靜本來涅槃成就第一義若有衆生種諸一切增上善根清淨罪業成就諸根多信諸法善集一切善根智慧彼諸衆生聞我法音能如實知彼諸衆生信我

法信我義智慧觀察能如實覺依彼證法隨順行力速得究竟阿耨多羅三藐三菩提我依彼諸一切眾生能於我身生恭敬心作如是言此是正覺知一切法是故名為應正遍知成就第一義若有眾生不種一切增上善根不能清淨一切罪業不能淳熟一切善根不多信法元增上心不集功德智慧之藏直心體性不能觀察是法非法是法可取是法可捨依自心見執著而行彼諸眾生雖聞我法亦復不知依何意說而彼眾生信於我法恭敬我法而作是言我信諸佛如來所說修多羅甚深甚深相依空相應難見難覺不可覺形相不可覺微細極微點慧人智慧境界如來說諸修多羅義我不能知然而信而作是言諸佛如來菩提甚深諸法體相亦復甚深唯佛所知非我境界諸佛如來隨諸眾生種種信心說種種法以諸如來元量智慧所知如海而我知見如牛跡水是故眾生於彼修多羅若能至心受持書寫寫已住持讀

示供養為他人說誦常誦隨喜施他而彼眾生不能於中如實修行以未知我甚深之意以不覺故成就第一義彼諸眾生依因彼故功德智慧增長滿足亦復令彼未淳熟心令得淳熟成就第一義復有眾生眾生界中不能種諸一切善根乃至不能成就功德智慧之業元直心無直意而彼眾生知是法是非法是可取是可捨自智生見是可取是可捨而彼眾生聞我所說甚深之法不知我意是故不知如實之法不知如實法故不能覺知一切諸法聞聲執著義亦如是是故彼諸一切眾生說如是言諸法無體相一切法本來不生一切法本來不滅一切法本來寂靜一切法本來涅槃而彼眾生依因此見於諸法中起於邪見無諸法相隨於邪見以見諸法元无相以見諸法無無相故而謗一切諸法為無所謂虛妄分別相因緣法體相第一義法體相何以故成就第一義依彼他力因緣體相依於第一義諦體相有名字相成就第一

義若眾生見因緣體相第一義相言是元相彼眾生謗假名名字相是故我說彼諸眾生謗三種相成就第一義彼諸眾生於無法中起法相於元義中生義相無法依法住持元義依義住持成就第一義彼諸眾生依我信法增長善法而取非義為義智不增長智不增長者離諸善法於聞法眾生住持是法法住持非義為義隨於邪見彼諸眾生以取無法法相無義義相以取無法法非義義相是故彼諸一切眾生依不正見離諸善法應知成就第一義復有眾生於彼邪見人邊聞法說如是言諸法无體不生不滅寂靜涅槃驚懼怖畏而說是言此非佛語是魔所說是故彼諸邪見眾生謗諸修多羅說諸修多羅毀諸修多羅言是非法而彼眾生因彼謗法得无量罪成就无量極惡罪業成就第一義是故我說謗法眾生見无諸法亦无於義依義說法成就無量極惡罪業亦令無量諸眾生等多生罪業成就第一義若有眾生不種善根

深密解脫經卷第二 第二十四

不清淨罪業不熟身業多不信法不能集彼功德智慧不直心不隨順直心而依自見邪智分別是法非法是法可取是法可捨彼諸衆生雖聞我法不得我意不生信心亦復不能如實知我所說之意是故彼諸一切衆生於諸非法生於法想於諸非義生於義想執著非法生是法想執著非義生是義想而作是言此非佛語是魔所說而彼邪智如是解故而謗諸法不順諸法毀訾諸法輕論諸法於正法中加置邪法為減修多羅為壞修多羅為不行修多羅為不說修多羅於信修多羅者生怨家想彼諸衆生先有無量罪業重障復因謗法而謗於人轉更增長無量罪障而彼罪障根本之罪不可說盡何況復加謗法之罪墮大地獄無有出期乃至無量百千萬億阿僧祇劫說其歲數亦不能盡成就第一義我今善說如是諸法善示善清淨善說衆生如是種種異信種種異見今時世尊而說偈言無法體不生本寂靜不滅自性涅槃法

深密解脫經卷第二 第二十六

是故我說常三種元體相第一義元體若能知我意是人得解脫一道法進趣諸衆生解脫是故一乘法隨聞差別說諸衆生無量為身求涅槃如來其希有安隱諸衆生若證元漏界平等無二相成就佛諸義彼人離煩惱

今時成就第一義菩薩白佛言希有

世尊未曾有未曾聞如來所說如是

微細極微細甚深極甚深難覺難難

覺諸佛如來意趣難知世尊我知如

來所說義意所謂分別境界彼依分

別有為行相於名字中說彼色陰自

體相相名為勝相所謂色陰生色陰

減離色陰知色陰是故如來依彼法

相說彼諸法為元體相世尊彼分別

境界依彼分別境界行相是他力相

是故如來依於彼法而說諸法不生

諸法元體亦依彼法說第一義言無

體相世尊我知世尊所說法義謂即

依彼分別境界虛妄分別有為行相

即彼虛妄分別之相无如是相即彼

無體相无體相法无我真如清淨觀

相是第一義是故如來依第一義說

深密解脫經卷第三 第二十七

彼諸法名元體相世尊如一色陰餘陰亦如是如是十二入十八界二入一切法亦如是世尊我知如來所說法義所謂分別境界中虛妄分別有為行相所謂諸諦知諸諦依於名字說自體相勝相虛妄分別如來依彼說言諸法無有體相世尊彼分別境界相依止分別有為行相名因緣相世尊是故我說我知如來所說法義何以故世尊即彼分別境界分別諸相依止虛妄行相而生而彼虛妄分別行相无如是體無如是相是法無我真如清淨觀名第一義是故如來依彼法說第一義无體相世尊如苦諦餘諦亦如是如是四念處四正勤四如意足五根五力七覺分八聖道以要言之一切諸法亦復如是世尊我知世尊所說法義於分別境界中依虛妄分別有為行相正覺三昧對治對治生正三昧生三昧已而復住持不忘不失修行增長名字所說法相勝相是分別相是故如來依彼法相說言諸法無有體相世尊彼分別

境界依止他力因緣行相是他力相是故如來依彼法相說言諸法无有體相亦說第一義是无體相世尊我知世尊所說義相即彼名字分別境界依止分別名字行相即彼分別无如是相即彼無相即彼無相體无體法无我真如清淨觀相即第一義是故世尊說言諸法无有體相是第一義相世尊譬如毗婆沙樂草著諸樂中一切食中世尊如來說法亦復如是諸法无體相諸法不生諸法不滅諸法寂靜諸法自性涅槃說了義修多羅置於一切不了義修多羅中世尊譬如畫地種種一相所謂青黃赤白能了別種種種種相世尊如來說法亦復如是諸法无體相不生不滅寂靜自性涅槃說了義言教置於一切不了義中成一味相亦能了別彼不了義修多羅等名字故世尊譬如一切諸飲食中若置熱酥生增上味佛說此法亦復如是依一切法無有體相不生不滅寂靜自性涅槃說了義修多羅置諸一切不了義中能生

增上歡喜踊躍世尊譬如虛空一切塵等於諸一切種種作業无有障導皆悉能成世尊如來亦說言諸法无有體相諸法不生諸法不滅諸法寂靜諸法自性而是涅槃說了義經於諸一切不了義經等同一味成就一切聲聞辟支佛大乘修行作元障導今時世尊告成就第一義菩薩言善哉成就第一義復作是言善哉善哉成就第一義汝實能知諸佛如來說法之意汝今善說此義譬喻如彼毗婆沙樂草畫地置所虛空等譬成就第一義如是如是如汝所說不異汝說如是受持

今時成就第一義菩薩自佛言世尊如來初成應正等覺於波羅捺城仙人集處諸禽獸送慶為諸修行聲聞行人一轉四諦布有法輪世間一切沙門婆羅門天人魔梵元能轉者若有能轉依法相應无有是憂世尊此第二轉法輪說上法相可入法相分別彼諸不了義修多羅為住大乘衆生說於諸法无有體相諸法不生諸法不滅諸

法寂靜諸法自性涅槃希有之中復是希有世尊此是第三轉法輪為住一切大乘衆生說諸法無體相不生不滅寂靜自性涅槃善說四諦差別之相希有中希有无人能入無人能對无人能諍更無有上更元有勝了義修多羅元諍論處今時成就第一義菩薩自佛言世尊若善男子善女人聞如來說諸法本來无體相本來不生本來不滅本來寂靜本來自性涅槃正信書寫為已受持供養施與他人為自說自誦自讀修行隨喜彼善男子善女人得幾所功德今時世尊告成就第一義菩薩摩訶薩言彼善男子善女人成就无量阿僧祇功德聚成就第一義彼之功德无有譬喻可以況說以要言之略說少分成就第一義譬如指甲上土依大地土百分不及一迦羅分不及一憂波厘沙陀分不及一乃至算數譬喻不能及一成就第一義譬如牛跡中水依大海水百分不及一一分不及一迦羅分不及一憂波厘沙陀分不及一乃至

說名為隨順信奢摩他。弥勒菩薩言：世尊，菩薩未得身樂，心樂觀於內身三昧境界，思惟彼法，如是觀心，佛說彼觀名何等？觀佛言：弥勒，我說彼觀非毗婆舍那，名隨順信毗婆舍那。弥勒菩薩言：世尊，說奢摩他行毗婆舍那行為一為異？佛言：我說非異，非不異。弥勒以何義故？我說不異。毗婆舍那觀不離奢摩他，是故不異。弥勒以何義故？我說是異。以觀分別境界，像差別是故為異。弥勒菩薩言：世尊，毗婆舍那三昧境界為異，彼心不異。彼心佛言：弥勒，我說不異。何義不異？以唯是心觀彼境界，何以故？我說但是心意識觀得名。故弥勒菩薩言：世尊，若彼心境界不異於心，云何心即能觀於心？佛言：弥勒，彼處無有一法能觀一法，而彼心生如是現見。弥勒辟如清淨明鏡，依因境界能見境界，而不作心。我見境界依彼境界現見，境界如彼，心不離於心，離心見境，彼三昧鏡像現見境界。弥勒菩薩言：世尊，一切眾生所有心

法色等境界為異於心，為不異。心佛言：弥勒，不異於心，而諸凡夫顛倒智取，不能識知，但是心法以不如實知。彼種種境界顛倒取，顛倒法，弥勒菩薩言：世尊，云何菩薩一向修行毗婆舍那？佛言：弥勒，若菩薩隨順觀彼心，相不斷如是。菩薩一向修行毗婆舍那，弥勒菩薩言：世尊，云何菩薩一向觀彼奢摩他法？佛言：弥勒，若菩薩隨順觀彼心，相不斷如是。菩薩一向觀彼奢摩他法，弥勒菩薩言：世尊，云何菩薩一向修佛言：弥勒，若菩薩觀心一心如是。奢摩他毗婆舍那一時修行，弥勒菩薩言：世尊，何者是心？相佛言：弥勒，所謂分別三昧境界，鏡像觀毗婆舍那是名心。相弥勒菩薩言：世尊，何者是心？無間佛言：弥勒，謂觀像心奢摩他觀是名心。無間弥勒菩薩言：世尊，何者是心？而一言一心佛言：弥勒，所謂觀彼三昧境界，覺知是心。覺知是心已修真如觀，弥勒是名一心。弥勒菩薩言：世尊，毗婆舍那行有幾

種？佛言：弥勒，毗婆舍那有於三種，何等三種？一者相二者修三者觀。弥勒何者是相？毗婆舍那所謂但觀三昧境界分別境界，是名相。毗婆舍那弥勒何者是修？修行毗婆舍那所謂智慧善見彼彼法相，是名修行。毗婆舍那弥勒何者是觀？毗婆舍那所謂彼彼法中智慧善觀彼彼法相而不證彼寂滅解脫。弥勒是名善觀察修行。毗婆舍那弥勒菩薩復言：世尊，奢摩他行有幾種？佛言：弥勒，依前法後三種亦如是。應知復次，弥勒奢摩他有八種，所謂初禪奢摩他如是，二禪三禪四禪無邊空處無邊識處見少處非想非非想處，復次弥勒有四種奢摩他，謂慈奢摩他悲奢摩他喜奢摩他捨奢摩他。弥勒菩薩言：世尊，如世尊說，依止奢摩他毗婆舍那不依止奢摩他毗婆舍那，世尊何者是依止法？何者是不依止法？佛言：弥勒，如所聞法隨順法相，弥勒是名依止法。奢摩他毗婆舍那弥勒離所聞法思惟取法，依他教觀奢摩他毗婆舍那義

若菩薩觀无差別法三昧是名無覺
 无觀三昧若勤苦薩言世尊何者是
 奢摩他相何者是取奢摩他相何者
 是奢摩他捨相佛言若勤苦薩若
 動心疑心中生驚畏心或欲遠離思
 惟諸法而不斷絕是名奢摩他相
 勤若菩薩心沉沒沉沒相疑思惟於
 法生歡喜心是名取相奢摩他勤
 若菩薩一向於奢摩他道一向毗婆
 舍那道雙道觀彼二法煩惱不染於
 心自然思惟自然隨順彼法修行是
 名奢摩他捨相勤苦薩言世尊如
 世尊說若薩修行奢摩他毗婆舍那
 法如實知法如實知義世尊云何菩
 薩知法知義佛言勤苦若菩薩知
 種種法名如實知法何等為五者
 名二者句三者字四者差別五者同
 你勤何者是名謂於法淨法中觀
 自體相說法相勤是名為名勤
 何者是句即彼法種種名名聚淨法
 淨法義為名用依止住持是名為句
 勤何者是字即彼名句依彼一法名
 是名為字勤何者是差別謂二法

別異觀是名差別勤何者是同所
 謂無差別觀法說名為同勤勤若菩
 薩如是觀者名為如實知法勤云
 何菩薩觀義若薩觀義有十種何等
 十一者所應修行者修行二者修行至
 究竟處三者知能取義四者知可取義
 五者知住持義六者知受用義七者知
 顛倒義八者知不顛倒義九者知染
 義十者知淨義勤苦若菩薩淨法
 中一切種差別修行謂陰五種數內
 入六種數外入六種數如是等差別
 修行勤勤若菩薩所應修行者修
 行勤勤若菩薩於淨法中如實知
 真如勤勤是名菩薩修行至究竟處
 復次勤勤真如有七種何等為七所
 謂無始有為行相真如相真如所謂
 我空法空唯識真如知有為行惟是
 心執著真如所謂我說諸邪行真
 如所謂我說集諦清淨真如所謂我
 說滅諦正修行真如所謂我說道諦
 勤勤行相真如執著真如邪行真如
 此三真如一切眾生平等無差別勤
 勤相真如唯識真如此二真如一切法

平等无差別勤勤清淨真如聲聞緣
 覺菩薩阿耨多羅三藐三菩提平等
 无差別勤勤修行真如如聞妙法老
 別觀奢摩他毗婆舍那攝取般若平
 等無差別勤勤菩薩知能取義者所
 謂五種入相及心意意識心數法是
 名知能取義勤勤可取義者所謂外
 六入勤勤能取義者即是可取義是
 名知能取可取義
 勤勤菩薩知住持義者所謂世界眾
 生住處依彼住處眾生可見所謂聚
 落田地彼百聚落地彼千聚落地彼
 千萬聚落地名盡海畔地彼百千彼
 百千閻浮提彼百千彼百千萬名為
 一千世界彼一千世界百倍彼百倍
 十倍彼十倍百千倍名為二千中世
 界彼二千中世界百倍千倍百千倍
 名為三千大千世界彼三千大千世
 界百倍彼復千倍復千倍復百千萬
 倍彼百千萬倍名為一億彼一億百倍
 彼百億復千倍彼千倍復一億彼一
 億復千億復百千億名為一阿僧祇
 彼百億千億彼千億百千億彼百千

深密經疏卷第三 第十一段

倍阿僧祇彼阿僧祇百阿僧祇彼百阿僧祇千阿僧祇彼百千阿僧祇百十萬三千大千百千萬阿僧祇世界百千萬微塵數十方世界无量世界弥勒是名菩薩知住持義弥勒何者菩薩知資生義所謂我為衆生說種種資生所受用故弥勒何者是菩薩知顛倒義弥勒即彼取受用於无常義中生常相顛倒心相顛倒見相顛倒於苦中生樂相顛倒不淨中生淨相顛倒於無我中生我相顛倒心相顛倒見相顛倒弥勒是名菩薩知顛倒義弥勒何者是菩薩知非顛倒義弥勒即遠離彼四顛倒是名菩薩知非顛倒義弥勒何者是菩薩知法相義弥勒於三界中有三種法相所謂煩惱染業染生染弥勒是名菩薩知染義弥勒云何菩薩知淨義弥勒即遠離彼三種染修行菩提分法弥勒是名菩薩知淨義弥勒此十種義攝取一切義應知弥勒是名菩薩如實知義如

深密經疏卷第三 第十一段

名善知義何等為五者可知境界二者可知義三者知法四者依知得證果五者如實受彼法弥勒何者是可知法弥勒切境界所謂五陰內諸入外諸入等是名和境界弥勒何者是可知義弥勒無量種觀如實知彼法所謂世諦第一義諦功德法過各法因緣法三世法生法住法滅法病等諸法苦集等法真如法實際法法界法略法廣法一向差別說問答法置答法秘密法直說法弥勒如是等可知義應知弥勒何者是知法弥勒能生彼知三十七品所謂四念處乃至八聖道弥勒是名知法弥勒何者是菩薩依知得證法所謂滅貪瞋癡煩惱遠離貪瞋癡煩惱得四沙門果所謂我說聲聞如來世間出世間一切功德彼諸功德如實證知弥勒是名菩薩依知證果法弥勒何者是菩薩如實受彼法弥勒即彼所證法知解脫受解脫復為一切衆生廣說示現開發弥勒此五法攝取一切義應知

深密經疏卷第三 第十一段

義何等為四所謂知心生義知受用義知隨心義知染淨義弥勒菩薩畢竟得四種義亦攝取一切義應知復次菩薩如實知三種法名為如實知義何等為三所謂字義義界義弥勒何者字義所謂名身等應知弥勒是名字義弥勒何者義義弥勒義義有十種何等為十所謂實相知相遠離相證相修行相即彼實相等種種差別相依止所依止相應相即彼相知相等障導相隨順法相不知過咎相知利益相弥勒是名菩薩知義義相弥勒何者是菩薩知界義相弥勒界義相有五種所謂世界衆生界法界可化界可方便界弥勒此五種界攝取一切義應知

復次弥勒若菩薩知五種法彼菩薩

復次弥勒若菩薩知四種觀名如實知

非現前解脫而轉轉隨順解脫非現證解脫。彌勒是名思慧修行義。彌勒修慧修行義者。彌勒菩薩依名字不依名字。依如聞不依如聞。隨順心隨順解脫。增長解脫。彌勒是名修慧修行義。彌勒是名三慧異相義。

彌勒菩薩言。世尊。菩薩修行奢摩他毗婆舍那何等為智。何等為見。佛言。彌勒。我應說彼無量智見相。以略言之。於差別法相中。奢摩他毗婆舍那般若。是名為智。彌勒觀諸法無差別相。是名為見。彌勒菩薩言。世尊。菩薩修行奢摩他毗婆舍那。以何等心觀何法。相。佛言。彌勒。真如觀心。修行法相義。相亦不見。名亦不見。名體相亦不見。彼名字因相如是。句字一切義應知。乃至不見十八界自體相。亦見彼因相。修行奢摩他毗婆舍那。是名修行奢摩他毗婆舍那義。應知。彌勒菩薩言。世尊。菩薩修行真如義。相亦修行彼相。不佛言。彌勒。真如形相。无相可見。若無相者。云何修行。彌

勒菩薩修行真如相者。降伏一切法一切義。用而彼諸法不能降伏。真如義相。彌勒菩薩言。世尊。世尊常說。器不清淨。鏡不清淨。諸水等濁。不見面相。清淨器等能見面相。如是世尊不修行如實心者。不能見諸一切法。相。修行者見世尊依何等心觀何等真如。觀說如是義。佛言。彌勒。我依三種觀說如是義。何等為三。所謂聞慧。思慧。修慧。三種觀心能識真如。彌勒。我依如是義說。

彌勒菩薩言。世尊。菩薩如是解諸法義。修行諸法相。幾法相難修行。以何等法。何等觀觀彼難修行。佛言。彌勒。有十種難修行。相依十八空。觀彼難修行。相何等為十。彌勒。觀法義相。種種名字。相依一切法。空。斷彼難修行。相。彌勒。取如實義。相。受用所謂生相。滅相。住相。異相。相應行相。相依相。空。無始。空。斷彼難修行。相。彌勒。取能取義。相。所謂依身相。依我相。依內空。依不見空。斷彼難修行。相。彌勒。取可取相。所謂資生相。依外空。斷彼難修行。相。

彌勒取受用義。男女相。種種資生。所謂內外清淨相。依內外空。自性空。斷彼難修行。相。彌勒。取住持義。有无量相依。大空。斷彼難修行。相。彌勒。取無色修行相。內寂靜解脫相。依有為空。斷彼難修行。相。彌勒。取真如相。義。所謂我空。法空。唯是心。第一義相。依本空。无物空。自體空。無體自體。空。第一義空。斷彼難修行。相。彌勒。取清淨真如。無為相。義。離諸相。無異相依。無為空。不異空。斷彼難修行。相。彌勒。取彼无為空。無異空。為斷彼空。相對治。无為空。无異空。依空空。斷彼二空。彌勒菩薩言。世尊。菩薩如是修行。十種相於何等縛相。而得解脫。佛言。彌勒。修行三昧境界。見形像相。染縛煩惱中。而得解脫。即觀彼鏡像。不取境界相。是名斷彼難修行。相。彌勒。當知差別。而言是諸空等。對十種相。非一二空不能對治。斷十種相。彌勒。辟如。无明不能生生。乃至老死。染煩惱等。但依本言。无明緣行。生依近因緣。故如是說。彌勒。此義如是應知。

淨名經疏卷第二 第十

弥勒菩薩言世尊何者是略空相菩薩知彼略空相不失一切空相離諸一切憍慢空相

尔時世尊告弥勒菩薩言善哉弥勒善哉善哉弥勒汝今乃能問佛此義弥勒汝能為諸菩薩等不失空相故如是問善哉是問何以故弥勒若菩薩不知空相則失一切大乘法相弥勒汝今諦聽我為汝說略相空義弥勒於他力相第一義相一切法中无淨淨相彼虛妄分別相常離彼相不見有相是名大乘中說略相空弥勒菩薩言世尊善摩他毗婆舍那攝幾種三昧佛言弥勒我說種種三昧所謂聲聞菩薩如來三昧攝取彼諸一切三昧應知

淨名經疏卷第二 第十九

毗婆舍那果應知 弥勒菩薩言世尊善摩他毗婆舍那作何等業佛言弥勒遠離二種縛何者為二所謂遠離相縛遠離煩惱縛弥勒是名善摩他毗婆舍那業弥勒菩薩言世尊佛說五種障幾種障李摩他幾種障毗婆舍那幾種障向二障佛言弥勒惜身資生此二障障善摩他弥勒聖人所說一切善法得聞不喜此障毗婆舍那弥勒喜憤悶處得少為足此二障善摩他毗婆舍那應知弥勒喜聞亂處不能發修行法得少為足不能畢竟得究竟處弥勒菩薩言世尊如來說五種蓋幾是善摩他耶幾是毗婆舍那障幾是向二障佛言弥勒掉悔是善摩他障幾是毗婆舍那障欲貪二種是向二障弥勒菩薩言世尊云何善清淨善摩他道佛言弥勒善伏睡眠如是名為善能清淨善摩他道弥勒菩薩言世尊云何善清淨毗婆舍那道佛言弥勒若能善斷掉悔二蓋如是則名善能清淨毗婆舍那道弥勒菩薩言世尊

淨名經疏卷第二 第二十

菩薩修行者摩他毗婆舍那行有幾種法能知心散亂不名相應佛言弥勒菩薩知五種法所謂正念散亂外心散亂內心散亂相散亂煩惱散亂弥勒若菩薩捨正念大乘相應相隨念聲聞辟支佛相應念相弥勒是名菩薩正念散亂弥勒若菩薩著外五欲樂憤悶處者諸覺觀隨順煩惱相念是名外心散亂弥勒若菩薩為瞋不利心著三昧及餘三昧三摩婆提捺於所染弥勒是名內心散亂弥勒若菩薩散外相內身三昧境界相思惟是名心散亂弥勒若菩薩依內心思惟因緣生覺觀煩惱如是心是我弥勒是名煩惱散亂心弥勒菩薩言世尊善摩他毗婆舍那從初菩薩地乃至如來地對治何等過佛言弥勒善摩他毗婆舍那於初地中對治惡道業生煩惱捺第二地中對治微細過失第三地中對治欲得善法過第四地中對治愛三摩拔提心過第五地中對治世間涅槃一向現前不一向現前過第六地中對治諸相行過第七地

中對治微細相行過第八地中對治
 无相行自然行過第九地中對治一
 切種說法不得自在過第十地中對
 治未得滿足法身過第十一地
 中對治細極細微細智障彌勒菩薩
 斷彼一切障已得无障身一切智處
 成就所求法得清淨法身彌勒菩薩
 言世尊云何菩薩修行奢摩他毗婆
 舍那得阿耨多羅三藐三菩提佛言
 彌勒菩薩修行奢摩他毗婆舍那依
 七種真如為本如聞思法入於定心
 即念彼法如聞思慧善思惟內心毫
 別觀彼真如菩薩觀彼真如之法尚
 捨微細修行之心何況真法彌勒何
 者是微細修行心相所謂生心識受
 心識染淨識內外及彼二彼行利益
 一切眾生真如智智集滅道有為无
 為常無常苦集不異自性業有為相
 一切人無我法无我相如是等法修行
 捨心彌勒菩薩如是發心修行如是
 多修行剎那剎那離一切蓋得清淨
 心得清淨心已入七種真如內身證
 彼七種覺相應知彌勒是名菩薩摩

訶薩善得見道菩薩得彼見道智已
 名定聚菩薩生在佛家受用初地利
 益歡喜是菩薩先已修行奢摩他毗
 婆舍那道於此始得事究竟觀是菩
 薩復於上上地中修行念彼二種觀
 故離諸微細相彌勒譬如有人巧以
 細楔出彼廣楔彌勒菩薩修行亦復
 如是觀內心相離彼一切諸染相分
 離染相分已離取一切諸善法相離
 取一切諸善法相已離一切相如是
 次第上上地中念相似法內心清淨
 乃至證阿耨多羅三藐三菩提得所
 作修行觀行成就就彌勒菩薩如是修
 行得阿耨多羅三藐三菩提

深密解脫經卷第三

癸卯歲高麗國大藏部三
初彫造

深密解脫經卷第四

彌勒菩薩問品之二

元魏天竺三藏菩提流支譯

彌勒菩薩言世尊云何菩薩摩訶薩
 修菩薩行現得菩薩諸勝妙果佛言
 彌勒若菩薩如實能知六種法者是
 人能得菩薩妙果何等六種所謂善
 知心生善知心住善知心起善知法
 來善知善法增長善知巧方便若勒
 太何菩薩善知心生若勒若菩薩知
 十六種心生所謂不覺不知不動器
 世間識譬如阿陀那識取種種相觀
 識譬如一時取色等可取境界无分
 別意識知內外色一念間入無量三
 昧見元量佛國土見無量諸佛若勒
 少相觀相應識譬如欲界相相應識
 若勒大相觀相應識譬如色界相相
 應識若勒无量相觀相應識譬如一
 虛空一切識相相應識若勒細相觀
 相應識譬如少相相應識若勒通相觀
 相應識譬如非想非非想相應識若
 勒極細相觀相應識譬如出世間相

何奉持佛言。此法門名為如實修行。了義修多羅。汝當奉持。說是如實修行。了義修多羅時。六千衆生發阿耨多羅三藐三菩提心。三千聲聞。遠塵離垢。得法眼淨。十萬五千聲聞。離諸漏。得心解脫。七萬五千菩薩得大乘如實修行觀成就。

聖者觀世自在菩薩問品第十之一

今時聖者觀世自在菩薩摩訶薩。白佛言。世尊。世尊為諸菩薩說十地差別。所謂歡喜地、離垢地、光明地、炎地、難勝地、現前地、遠行地、不動地、善慧地、法雲地。第十一佛地。世尊有幾種清淨攝。此諸地有幾種分。佛言。觀世自在有四種清淨。十一分攝。此諸地應知。觀世自在增上清淨攝。初地增上戒清淨攝。二地增上心清淨攝。三地增上慧清淨攝。四地乃至上上勝妙。從四地乃至佛地。觀世自在是名四種清淨攝。諸地應知。觀世自在在何者。十一分攝。諸地義。觀世自在從菩薩起。信行地。修行十種信心。能善思惟。菩薩乘彼信行地。行過彼信地。入

於定聚。滿足彼分。觀世自在。在彼諸菩薩。雖滿彼分。於微細行中。而猶不能如實修行。彼諸菩薩。不滿彼分。為滿足。故修行。進求得滿。彼分雖滿。彼分而猶不能如實滿。足世間三昧。三摩跋提。及未滿足。聞持陀羅尼。彼諸菩薩。不滿彼分。為滿足。故修行。進求得滿。彼分雖滿。彼分如善提分。而猶不能如實修行。心不能捨。三昧愛法。彼諸菩薩。不滿彼分。為滿足。故修行。進求得滿。彼分雖滿。彼分而猶不能如實觀察。一切諸諦。亦不能捨。方便所攝。修善提分。世間涅槃。一向現前。一向不現前。彼諸菩薩。不滿彼分。為滿足。故修行。進求得滿。彼分雖滿。彼分而猶不能如實知。諸世間生死現見。修行及元相正念。不能多修。彼諸菩薩。不滿彼分。為滿足。故修行。進求得滿。彼分雖滿。彼分而猶不能如實而知。元間不斷。無相正念。不能多修。彼諸菩薩。雖不滿彼分。為滿足。故修行。進求得滿。彼分雖滿。彼分而猶不能捨。无相行。目然而行。元相行中。不得自在。

彼諸菩薩。彼分不滿。為滿足。故修行。進求得滿。彼分雖滿。彼分而猶不能於彼種種名。字諸相。無尋。示說一切諸法。及不能得說法。自在。在彼諸菩薩。不滿彼分。為滿足。故修行。進求得滿。彼分雖滿。彼分而猶不能得滿。足法身。及不能得受樂。法身。彼諸菩薩。不滿彼分。為滿足。故修行。進求得滿。彼分雖滿。彼分而猶不能得於諸一切境界。相中。无障。無尋。智慧。具足。彼諸菩薩。不滿彼分。為滿足。故修行。進求得滿。彼分得滿。彼分已名。為滿足。一切善提分。得滿。善提菩薩名。之為佛。觀世自在如是。十一種分攝。諸地應知。觀世自在。在菩薩。白佛言。世尊。世尊何故說初名歡喜地。乃至佛地。說名佛地。佛言。觀世自在。在菩薩。初離生死。得出世間。大利清淨。勝妙歡喜。踊躍。是故初地名歡喜地。遠離一切微細。破成障。故是故第二。名離垢地。依无量智光明。照曜。諸三昧。及聞持陀羅尼。而得自在。能作光明。是故第三。名光明地。智火。炎熾。燒善提分。煩惱。習垢。

淨金剛經卷第四 第八經 五

是故第四名為炎地即彼菩提分方便修行難勝得勝是故第五名難勝地正念思惟諸有為行現前證知諸法无相是故第六名現前地无間無斷無相正念遠入行近清淨地是故第七名遠行地有諸相自然修行相不能動是故第八名不動地說一切法一切種智无碍自在得廣大智他不降伏是故第九名善慧地衆生煩惱過患之身如虛空等如來法身猶如大雲覆衆生界說法示現是故第十名法雲地離一切无明微細習氣離一切境界智障習氣无障無碍於一切法中而得自在是故第十一名為佛地

觀世自在菩薩白佛言世尊世尊此諸地有幾種無明幾種障對佛言觀世自在有二十二種無明十一種障觀世自在於初地中執著人我法我无明惡道煩惱染相無明迷沒彼二是故名障於二地中微細過无明種種業道無明迷沒彼二是故名障於三地中求欲法无明滿足聞持陀羅

淨金剛經卷第四 第九經 五

尼无明迷沒彼二是故名障於四地中受三摩跋提无明愛法無明迷沒彼二是故名障於五地中於世間正念思惟非一向背世間非一向現世間无明於涅槃正念思惟非一向背涅槃非一向趣涅槃无明迷沒彼二是故名障於六地中不如實知有為行現前无明多集諸相無明迷沒彼二是故名障於七地中微細相行無明一向思惟方便无明迷沒彼二是故名障於八地中无自然無相无明諸相不得自在无明迷沒彼二是故名障於九地中無量說法无量名句上上樂說智慧陀羅尼无明樂說辯才自在无明迷沒彼二是故名障於十地中大通無明入微細密无明迷沒彼二是故名障於佛地中於一切境界極微細无明他障无明迷沒彼二是故名障觀世自在是名二十二種無明十一種障說諸地差別觀世自在而阿耨多羅三藐三菩提此諸法不相應觀世自在菩薩言希有世尊阿耨多羅三藐三菩提大果

淨金剛經卷第四 第十經 五

彼諸菩薩破大无明迷沒羅網亦滅一切虛妄對稱林得阿耨多羅三藐三菩提

觀世自在菩薩白佛言世尊世尊說此諸地有幾種殊勝佛言觀世自在有八種清淨所謂直心清淨慈清淨悲清淨波羅蜜清淨見諸佛供養清淨教化衆生清淨生清淨力清淨觀世自在於初地中直心清淨乃至力清淨復有上上地乃至佛地直心清淨力清淨彼清淨極清淨增上清淨應知觀世自在除佛地生清淨所謂初地諸功德彼諸地功德乃至上上地彼初地功德平等無差別而地地有勝功德應知

觀世自在菩薩白佛言世尊世尊何故說一切諸生中菩薩摩訶薩生為最勝佛言觀世自在有四種法所謂善集諸善報清淨故得內心方便故起大慈悲救護一切諸衆生故自無染故能令一切衆生元染
觀世自在菩薩白佛言世尊世尊何故說諸菩薩能發一切妙願勝願殊

勝力願佛言觀世自在有四種法菩薩能如實知涅槃妙樂故速得阿耨多羅三藐三菩提復能捨彼速得菩提勝妙樂行不為報恩而發大心為利衆生於六道中長夜受諸種種苦惱觀世自在是故我說諸菩薩摩訶薩妙願勝願殊勝力願

觀世自在菩薩白佛言世尊此六種學幾增上戒學幾增上心學幾增上慧學佛言觀世自在初三學提波羅室尸羅波羅室提波羅室增上戒學提波羅室增上心學提波羅室增上慧學觀世自在三種增上攝六種學事應知

觀世自在菩薩白佛言世尊此六種學幾增上戒學幾增上心學幾增上慧學佛言觀世自在初三學提波羅室尸羅波羅室提波羅室增上戒學提波羅室增上心學提波羅室增上慧學觀世自在三種增上攝六種學事應知

觀世自在菩薩白佛言世尊此六種修行幾功德莊嚴幾智慧莊嚴佛言

觀世自在增上戒學功德莊嚴增上慧學智慧莊嚴精進波羅室提波羅室遍諸波羅室應知

觀世自在菩薩白佛言世尊世尊菩薩云何學此諸學佛言觀世自在有五種觀法學此諸學何等為五所謂依諸波羅室說法依菩薩藏初至心信次有十種法行如實修行聞思修慧智故護諸善提心故親近善知識故不休息修行一切諸善根故觀世自在是名菩薩學諸學事應知

觀世自在菩薩白佛言世尊世尊此諸學事何故說六種數佛言觀世自在有二種義何等為二所謂攝取一切衆生故對治諸障故觀世自在三種學攝取衆生利益故三種學對治諸障故觀世自在菩薩修行提波羅室資生利益攝取衆生菩薩修行波羅室不憚不害以元畏施攝取衆生菩薩修行攝提波羅室元報慈心攝取衆生觀世自在以此三學攝取衆生觀世自在菩薩修行毗梨耶波羅室動諸煩惱殺害諸使修行分中

觀世自在菩薩白佛言世尊世尊此諸學事何故說六種數佛言觀世自在有二種義何等為二所謂攝取一切衆生故對治諸障故觀世自在三種學攝取衆生利益故三種學對治諸障故觀世自在菩薩修行提波羅室資生利益攝取衆生菩薩修行波羅室不憚不害以元畏施攝取衆生菩薩修行攝提波羅室元報慈心攝取衆生觀世自在以此三學攝取衆生觀世自在菩薩修行毗梨耶波羅室動諸煩惱殺害諸使修行分中

不為一切煩惱所動菩薩修行提波羅室縛諸煩惱若菩薩修行般若波羅室斷一切使觀世自在是三種波羅室對治所治煩惱故

觀世自在菩薩白佛言世尊世尊何故說餘四波羅室但有四數佛言觀世自在為成就彼六波羅室伴故說餘四波羅室觀世自在菩薩三波羅室攝取衆生攝事方便攝取衆生置善法中是故我說方便波羅室與三波羅室為伴觀世自在菩薩現身依多煩惱而亂其心不能修行如實之法而復信樂少行少法微薄直心不能攝取內心正定聞菩薩藏如聞而觀不能入定而不能起出世間智但修少分功德智慧莊嚴之相依彼少分智慧莊嚴為薄未來煩惱作願是菩薩願波羅室願未來世諸煩惱薄能成精進波羅室是故我說願波羅室與毗梨耶波羅室為伴

觀世自在菩薩親近善知識故聽聞正法如實思惟而能隨順如實修行轉彼薄心增長善力於彼真如法界

深密解脫經卷第四 第十張 蓋

之中得增上力是菩薩力波羅蜜得
內心定是故我說力波羅蜜與禪波
羅蜜為伴

觀世自在菩薩依於菩薩藏故聞慧
正觀修禪波羅蜜是菩薩智波羅蜜
依智波羅蜜能生出世般若波羅蜜
是故我說智波羅蜜與般若波羅蜜
為伴

觀世自在菩薩自佛言世尊世尊何
故說六波羅蜜如是次第佛言觀世
自在依前後上上轉勝故觀世自在
菩薩遠離受用欲心受持淨戒受
持淨戒已能忍諸惡能忍諸惡已能
成精進能成精進已能入諸禪能入
諸禪已能得出世間智慧觀世自在
是故我說六波羅蜜如是次第應知
觀世自在菩薩自佛言世尊世尊說
諸波羅蜜各有幾種差別佛言觀世
自在諸波羅蜜各有三種差別觀世
自在檀波羅蜜有三種所謂法施財
施無畏施尸羅波羅蜜有三種所謂
離諸惡行戒修諸善行戒利益衆生
戒攝提波羅蜜有三種所謂忍諸惡

深密解脫經卷第四 第十五張 蓋

忍忍諸苦忍忍諸法忍忍繫耶波羅
蜜有三種所謂發起精進修行善法
精進利益衆生精進檀波羅蜜有三
種所謂元分別寂靜極寂靜對治煩
惱受樂行禪起諸功德禪起利益衆
生禪般若波羅蜜有三種所謂觀世
諦般若觀第一義諦般若觀利益衆
生般若觀世自在是名諸法波羅蜜
各有三種差別應知

觀世自在菩薩自佛言世尊以何義
故說諸波羅蜜名波羅蜜佛言觀世
自在有五種義說名波羅蜜所謂不
著不憍望元過不分別迴向觀世自
在不著者所謂不著諸波羅蜜相違
事不憍望者於諸波羅蜜受用果報
報恩中元求心無過者遠離諸波羅
蜜元方便難染法不分別者諸波羅
蜜中不如所聞執著自相迴向者諸
波羅蜜所作所集迴取大菩提果故
觀世自在是故我說名波羅蜜
觀世自在菩薩自佛言世尊諸波羅
蜜相違事有幾種佛言觀世自在波
羅蜜相違事有六種何等為六所謂

深密解脫經卷第四 第十六張 蓋

樂於五欲資生自在我受樂見功德
利自在故隨身口意行自在故於他
輕憍心不堪忍故著自身樂故事念
世間散亂行故於世間中見聞覺知
名字分別為勝功德故觀世自在是
名諸波羅蜜相違事

觀世自在菩薩自佛言世尊世尊何
者是諸波羅蜜果報佛言觀世自在
諸波羅蜜果報有六種應知何等為
六所謂得富財故趣善道故無惡敵
故不壞多喜樂故常為衆生主故不
害自身故大威德力故觀世自在是
名諸波羅蜜六種果報

觀世自在菩薩自佛言世尊何者是
諸波羅蜜難染法佛言觀世自在諸
波羅蜜有四種不如法行名為難染
何等為四所謂元慈心行故不正念
行故不斷惡行故不至心行故
觀世自在菩薩自佛言世尊何者
是不正思惟佛言觀世自在所謂修
行諸波羅蜜離餘波羅蜜行是名不正
思惟
觀世自在菩薩自佛言世尊何者是

菩薩元方便修行佛言觀世自在若
菩薩修波羅蜜行攝取眾生但施飲
食資生等樂以為滿足而不能令離
不善處置於善處是名菩薩元方便
修行何以故觀世自在非施飲食如
是等樂名為利益觀世自在譬如糞
穢若多若少無人能令生香美氣觀
世自在如是一切有為行苦一切眾
生自性諸苦飲食資生攝取眾生不
可為樂觀世自在若置眾生在於第
一上善法中究竟樂處名為攝取與
大利益

觀世自在菩薩自佛言世尊此
諸波羅蜜有幾種清淨佛言觀世自
在我下說離五種清淨更有清淨觀
世自在而我依此五種清淨略廣說
諸波羅蜜清淨之相觀世自在何者
是略說諸波羅蜜清淨之相觀世自
在一切波羅蜜有七種清淨何等為
七所謂菩薩離我說法復於他處不
求智慧故此見諸法不生執著知一
切法能取大菩提故不生異意異疑
故不自讚歎不毀他人故不欺不憍慢

不放逸故得少善法不生滿足心故
得此諸法於他人邊不生嫉妬慳
心故觀世自在是名略說諸波羅蜜
七種清淨應知

觀世自在我復廣說諸波羅蜜清淨
之相依彼七種說諸波羅蜜清淨何
等七種觀世自在我說諸菩薩摩訶
薩檀波羅蜜七種清淨如實修行何
等為七所謂依悲心施清淨施清淨
即戒清淨見清淨心清淨口清淨智
清淨意清淨是名檀波羅蜜七種清
淨應知

觀世自在如是戒波羅蜜有七種清
淨何等為七所謂菩薩摩訶薩於菩
薩受持戒如實知一切戒如實能知
離諸過法彼法恒持堅固戒至心戒
常隨順戒於諸學中如實持戒
觀世自在是名戒波羅蜜七種清淨
應知

觀世自在如是羼提波羅蜜有七種
清淨何等為七所謂菩薩自信業報
於諸一切不饒益事心不瞋恨若罵
若瞋若打一切惡事來加其身不生

報心不懷結恨若彼求悔應時即受
不令他惱不求他求不為有畏不為
飲食而行忍辱於受他恩不忘還報
觀世自在是名忍辱波羅蜜七種清
淨應知

觀世自在毗梨耶波羅蜜有七種清
淨何等為七所謂菩薩如實知精進
平等故不為精進自高下他故身體
安住如山不動故常勤精進故心不
怯弱故所行堅固故於諸善法起精
進心不休息故觀世自在是名毗梨
耶波羅蜜七種清淨應知

觀世自在禪波羅蜜有七種清淨何
等為七所謂菩薩善決定知諸相三
昧禪波羅蜜滿足三昧禪波羅蜜如
實知二分三昧禪波羅蜜如實知隨
順三昧去禪波羅蜜不依止三昧
波羅蜜善練諸業所作善三昧禪波
羅蜜觀菩薩藏元量三昧禪波羅蜜
觀世自在是名禪波羅蜜七種清淨
應知

觀世自在般若波羅蜜有七種清淨
何等為七所謂離有無謗中道般若

深密解脫經卷第四 第三段

依般若力如實能知三解脱義謂空
无相無願如實能知三種分別他力
第一義諦如實能知三種名相生相
第一義相自體如實能知世諦五明
處如實能知第一義諦於七種真如
不分別不戲論一味多修行无量老
別觀法奢摩他毗婆舍那隨聞如實
修行成就觀世自在是名般若波羅
蜜七種清淨應知

觀世自在菩薩白佛言世尊世尊此
五種觀一一觀有何等業佛言觀世
自在此五種觀各有五業應知何等
為五所謂菩薩不著現報常至心行
諸波羅蜜不放逸故不怖畏報恩攝
取未來不放逸故無諸過失能善滿
足善清淨善白淨修諸波羅蜜故依
元分別巧方便速滿諸波羅蜜故依
迴向力一切生處得善果報依彼如
實修行諸波羅蜜不盡乃至得阿耨
多羅三藐三菩提故觀世自在是名
菩薩諸波羅蜜差別業應知
觀世自在菩薩白佛言世尊世尊此
諸波羅蜜何者最勝佛言觀世自在

深密解脫經卷第四 第三段

所謂不恡資財不著果報迴向大菩
提觀世自在是名最勝應知觀世自
在言世尊何者是元染法佛言所謂
無諸過元分別是名無染法應知觀世
自在言世尊何者為明妙佛言所謂
緣滅諸法應知觀世自在菩薩白佛
言世尊世尊何者是菩薩不動地佛
言觀世自在菩薩入初歡喜地具足
大力不退諸法是名菩薩不動地應
知觀世自在言世尊何等法是善
清淨法佛言所謂滿足十地乃至滿
足佛地應知觀世自在菩薩白佛言
世尊世尊何故菩薩諸波羅蜜不盡
受樂果報亦不盡佛言所謂迭相因
生妙果應知

深密解脫經卷第四

癸卯歲高麗國大藏都監奉
勅彫造

深密解脫經卷第五

元魏天竺三藏菩提流支譯

蓋

聖者觀世自在菩薩問品之二

聖者觀世自在菩薩白佛言世尊世
尊何故諸菩薩心不多樂諸波羅蜜
果報而多樂諸波羅蜜行佛言觀世
自在有五種法何等為五所謂樂於
增上歡喜樂故攝取日利利他故樂
未來世樂報恩故不捨諸法故不失
彼法故應知觀世自在菩薩白佛言
世尊世尊此諸波羅蜜各有幾種勝
妙之力佛言觀世自在此諸波羅蜜
各有四種妙力應知何等為四一謂
菩薩修行諸波羅蜜遠離離慳心遠
離破戒心遠離瞋心遠離懈怠心遠
離散亂心遠離諸見心故能成就阿
耨多羅三藐三菩提諸功德故現身
攝取自身他身故於未來世能得廣
大無盡愛果報故
觀世自在菩薩白佛言世尊世尊此
諸波羅蜜何等為因何等為果何等
為力佛言觀世自在大悲為因受樂

攝取衆生為果能滿足菩提為力應知
 觀世自在菩薩白佛言世尊世尊若
 諸菩薩一切資財隨心所用不可窮
 盡菩薩復有大悲愍心何故世間貧
 窮衆生受種種苦佛言觀世自在
 諸衆生自業罪過菩薩大悲常欲與
 諸一切衆生無盡富樂常懷憐愍堅
 固不動觀世自在若諸衆生無自罪
 障世間元有貧窮衆生觀世自在辟
 如一切諸餓鬼等為渴逼惱往見一
 諸河大海悉皆乾竭此非諸河大海
 過各是諸餓鬼自罪業報諸菩薩等
 施諸衆生一切資財如彼大海元有
 過各而諸衆生受貧窮若如彼餓鬼
 自作惡業有如是報非菩薩過觀世
 自在菩薩白佛言世尊世尊菩薩何
 等波羅蜜取諸法無體相佛言觀世
 自在般若波羅蜜取諸法無體相觀世
 自在言世尊若菩薩般若波羅蜜取
 諸法無體相者世尊何故般若波羅
 蜜不取諸法有體相佛言觀世自在
 我說取無體相無體相者汝當莫著
 言語何以故無體相法離諸一切名

字言語內身證法不可以名字在句
 說我依名字說言般若取諸法無體相
 觀世自在菩薩白佛言世尊如世尊
 說諸波羅蜜隨近波羅蜜大波羅蜜
 世尊何者是波羅蜜何者是近波羅
 蜜何者是大波羅蜜佛言觀世自在菩
 薩從無量劫修行布施等諸波羅蜜
 畢竟能得一切善法而彼菩薩具煩
 惱性現行於心而彼煩惱不能深菩
 薩而菩薩能降伏煩惱謂信行地於
 軟中信心而修諸行是名波羅蜜觀
 世自在復有無量劫時畢竟修行增
 上善法心行煩惱而彼菩薩能伏煩
 惱煩惱不能降伏菩薩謂未入初地
 應知觀世自在是名近波羅蜜復次
 觀世自在菩薩於無量劫畢竟修行
 上上善法彼菩薩一切煩惱不行於
 心所謂初地至八地第十地觀世自
 在是名大波羅蜜應知
 觀世自在菩薩白佛言世尊世尊此
 諸地中有幾種使煩惱佛言觀世自
 在有三種使煩惱何等為三所謂害
 伴使煩惱薄使煩惱微細使煩惱觀

世自在何者害伴使煩惱謂初地
 乃至第五地不俱生煩惱俱生煩惱
 伴使煩惱害伴使煩惱不行於心是
 故我說害伴使煩惱觀世自在何者
 是薄使煩惱謂六地七地中微細無
 明使煩惱菩薩修行薄彼無明煩惱
 是名薄使煩惱觀世自在何者微細
 極微細煩惱謂八地上上地一切無
 明使煩惱不行於心唯有一切境界
 微細障觀世自在是名三種使煩惱
 應知

觀世自在菩薩白佛言世尊世尊說
 菩薩斷一切過得斷諸使世尊菩薩
 斷幾種過名斷諸使佛言觀世自在
 菩薩斷三種過能斷諸使何等為三
 所謂皮膚及骨觀世自在初斷皮障
 離第一過次斷骨障離第二過次斷
 骨障離第三過我說一切使盡是名
 佛地應知觀世自在菩薩白佛言世
 尊世尊然阿僧祇劫斷彼諸過佛言
 觀世自在三大阿僧祇劫無量時元
 量月無量半月無量夜無量晝日無
 量念元量剎那元量無畔多元量羅

婆切斷彼諸過應知

深密解脫經卷第五 第五耶 五

觀世自在菩薩白佛言世尊此諸地中諸菩薩煩惱有何等相有何功德願為我說而我應知佛言觀世自在无有染相生諸煩惱無量功德生諸煩惱應知何以故菩薩於初地中自性證於一切法界善能覺知一切法界是故菩薩如寶能知生諸煩惱非為不知是故於自身中无有染相以不能生諸苦過故元有諸過為衆生界斷因果故菩薩無量功德是煩惱生觀世自在菩薩言希有世尊是大菩薩提能大利益以諸菩薩生諸煩惱降伏一切聲聞緣覺一切善根何況諸餘無量功德觀世自在菩薩白佛言世尊如世尊說聲聞乘大乘是為一乘世尊何意作如是說佛言觀世自在我聲聞乘中說種種法所謂五陰內六入外六入如是等我說彼法界一味而彼聲聞不能覺知是故我說有種種乘觀世自在如有衆生聞說如是分別執著彼人不知一乘之體取種種乘而證彼法異異而取迭

共評論我意如是應知今時世尊而說偈言

深密解脫經卷第五 第五耶 五

種種諸法相我依一理說生於下劣解我說名二乘如聞聲分別而不知彼義故諸乘相違憍慢衆生諍知諸地妙相及諸願生處此勝相對治我說是大乘今時觀世自在菩薩白佛言世尊深密解脫修多羅中此法門者名為何等云何奉持佛告觀世自在菩薩言觀世自在此修多羅名地波羅蜜了義法門汝今應當如是受持說此地波羅蜜了義經時七万五千菩薩得大乘光明三昧

聖者文殊師利法王子菩薩問品第十一

今時文殊師利法王子菩薩摩訶薩依如來所作住持業差別白佛言世尊世尊如來法身有何等相佛告文殊師利如實修行十地波羅蜜轉身成就得妙法身是名諸佛如來法身相應知文殊師利彼佛法身有二種相不可思議何等為二所謂法身離諸戲論離諸一切有為行相而諸衆生執著戲論有為行相文殊師利白

佛言世尊聲聞緣覺轉身所得為是法身為非法身佛告文殊師利非法

深密解脫經卷第五 第七耶 五

身也文殊師利白佛言世尊若非法身是何等身佛言文殊師利名解脫身非法身也依解脫身聲聞緣覺諸佛如來其身平等而佛法身差別殊勝法身勝者勝彼一切聲聞緣覺元量无边阿僧祇功德奇特殊勝不可為譬為分別顛倒對治彼人說如來生文殊師利白佛言世尊諸佛生世有何等相佛告文殊師利化身生相隨世界相一切種一切功德莊嚴住持相相應是即化身生世間相應知文殊師利而佛如來法身不生文殊師利白佛言世尊我云何知化身所作現方便相佛告文殊師利一切佛國土三千大千世界中大勢力家及福田家一時退入胎住胎出胎生已增長受五欲樂而行大捨出家苦行證菩提轉法輪入涅槃文殊師利是應化身所作方便示現應知文殊師利白佛言世尊世尊依如來法身住持力幾種語為衆生說法如

來說法依可化衆生未熟者令熟已熟者令得解脫佛言文殊師利如來有三種語何等為三謂說修多羅毗尼摩得勒伽文殊師利是為三種應知文殊師利言世尊何等修多羅何等毗尼何等摩得勒伽佛言文殊師利我所說少事法是名修多羅少事法者謂四種事九種事二十九種事文殊師利所言四種事者謂聞事歸依事學事菩提事是名四種事文殊師利所言九種事者謂施設事衆生向受用事向生事向住事向淨事向種種事能說事可說事眷屬事是名九種事文殊師利所言二十九事者謂依煩惱對染諸行事隨順事何者是隨順事謂隨順彼人相未來世生因事故依法相未來行因事依淨分觀事即彼處修行事令心住事現身受樂法行事過一切皆觀行事即如實知彼事彼事有三種依顛倒住持故依衆生相外觀邪行住持相故內心无憍慢住持故修行住事現證事修行事作向堅固事觀彼九種事

觀察遠離不遠離方便事向散亂事不散亂不失事修行無障事修行利益事向堅固事向彼實證事具足得涅槃事如來善說毗尼法世間正見出諸外道一切勝事不修行彼法退事何以故文殊師利若於如來善說毗尼法中不能修行令善法退非邪見過文殊師利言世尊何者是毗尼相文殊師利毗尼相者我為聲聞及諸菩薩說波羅提木叉及波羅提木叉相應法是名毗尼事文殊師利言世尊菩薩有幾種法攝波羅提木叉又佛言文殊師利菩薩有七種法攝波羅提木叉何等為七所謂菩薩知說受持法知說波羅提木叉知說過事知說過事體知說无過事體知說起過事知說受持法失事文殊師利是名菩薩七種法攝波羅提木叉又應知文殊師利言世尊何者是摩得勒伽文殊師利我所說十一種相示現了義經是名摩得勒伽文殊師利言世尊何等是摩得勒伽十一種相佛言文殊師利所謂世諦相第一義諦相

觀菩提分法相彼法相自體相彼法果相受彼法說相彼法障相彼法隨順相彼法過失相彼法利益相文殊師利言世尊何者是世諦相文殊師利世諦相者有三種何等為三說人相說分別體相觀諸法思惟作種種業相應知文殊師利言世尊何者第一義諦相文殊師利第一義諦相有七種如前七種真如中所說一者所謂無始有為行相第一義諦二者相第一義諦所謂我空法空三者喻識第一義諦知有為行唯是心識四者執著第一義諦所謂我說諸諦云者邪行第一義諦所謂我說諸諦云者清淨第一義諦所謂我說滅諸諦云者正修行第一義諦所謂我說道諦文殊師利行相第一義諦執著第一義諦邪行第一義諦此三第一義諦一切衆生平等無差別文殊師利相第一義諦唯識第一義諦此二第一義諦一切法平等無差別文殊師利清淨第一義諦聲聞緣覺菩薩阿耨多羅三藐三菩提平等無差別文殊

師利正修行第一義諦如聞妙法差別觀奢摩他毗婆舍那攝取般若波羅蜜平等無差別應知文殊師利言世尊何者是觀菩提分法相文殊師利觀菩提分法相者所謂觀一切種事應知文殊師利言世尊何者是彼法相文殊師利彼法相者如八種觀中應知文殊師利言世尊何等八種觀文殊師利所謂依實諦住諦過失功德通相形相相應相廣略說相文殊師利實諦相者所謂真如住諦相者所謂人相分別差別體一向答相隨問分別答相置答相密事示現相過失相者所謂我說諸法染過功德相者所謂我說一切淨法无量利益相通相者有六種應知何等六種謂真實義通得通說通離二邊通不可思議通意通形相者所謂三世三有為相四種因緣相相應相者有四種應知何等為四謂相待相應能作所作相應生相應法體相應相待相應者謂何等因何等緣能生有為行名字等用是名相待相應能作

所作相應者何等因何等緣能得法能生法能生法已能成辦業是名能作所作相應生相應者謂何等因何等緣知法說法示法能成能正覺知是名生相應法體相應者略說有二種何等為二謂一者淨二者不淨文殊師利淨有五種相不淨有七種相文殊師利何者淨五種相一者彼現前見相二者依彼現前見相三者自相譬喻相四者成就相五者說清淨阿含相文殊師利何者是彼現前見相謂一切有為行無常一切有為行苦一切法无我世間現前見法如是等是名彼現前見相應知文殊師利何者是依彼現前見相所謂一切諸有為行一相故不失未來善不善業依彼廣法現見故依種種業見種種衆生現見故依善不善業受苦受樂現見故於現見法中譬喻如是等彼依止現見相應知

文殊師利自相譬喻相者所謂內外一切世間現見譬喻因緣如是等名為自相因緣譬喻應知如是依彼現

見相依止彼現見相譬喻相一向成就彼事名為成就相應知文殊師利何者是說清淨阿含相所謂一切智人說彼寂靜涅槃之相如是等名清淨阿含相應知文殊師利汝應如是深觀察五種清淨相深觀察已知清淨知清淨已修行應知

文殊師利白佛言世尊有幾種法知一切智人相佛言文殊師利有五種法知一切智人相何等為五有人出世於諸一切天人世間名一切智有人畢竟成就三十二大人之相得十力法能斷一切衆生疑具四无畏降伏一切諸魔怨敵說法更無能作導師於說法中善說八聖菩提道分現證成就四沙門果文殊師利如是依生依相斷疑降伏無人能難現見沙門五種法現前是名一切智人相應知文殊師利此依生成相應現見相應量相應比智相應聖人說法相應知五種相是名清淨相應知文殊師利何者是七種不清淨相所謂彼相似見相彼不相似見相有一切相似見

相一切不相似見相自譬喻異相不成相說法不清淨阿舍相文殊師利何者是有一切相相似見相謂一切法依意識知同相如是等名為一切法相似見相文殊師利何者是一切法不相似見相謂法相體相業法因果異相一二相異相畢竟彼此相待異相如是等是名一切不相似不同見相文殊師利何者是自譬喻異相謂彼相似見相譬喻中有一切不相似不同相為成彼事一向不成是故我說彼不成相文殊師利自譬喻中彼不相似見相有一切相似同相為成彼事一向不成是故我說不成相若不成相者彼法不清淨若法不清淨者不應修行是故我說不清淨阿舍相以自性不清淨應知文殊師利何者是法體所謂如來出世及不出世法住法體法界是名法體相應知

文殊師利言世尊何者是略廣相文殊師利所謂略說一句彼一句上上句差別无量句乃至說應至廣是名略說應知

文殊師利言世尊何者是得相文殊師利謂取諸法見觀菩提分法我說菩提分法四念處等是名彼法自體相共世間出世間遠離深相彼法果起世間出世間功德是名彼得相文殊師利即彼法依解脫智受用應知廣為人說示現是名彼法隨順示現相文殊師利即彼修行菩提分法離道相違染法是名向障法應知文殊師利為彼法多生增長是名隨順彼法相文殊師利障諸法是名過相文殊師利隨順彼法功德是名利益相應知

尔時文殊師利菩薩白佛言世尊惟願世尊為諸菩薩更重略說修多羅毗尼摩得勒伽義不共一切外道二乘陀羅尼相諸佛如來說世深法諸菩薩得甚深意得已能入一切佛法佛告文殊師利汝今諦聽我當為汝略說陀羅尼義諸菩薩等問我法已能得我意得我意已入於我法文殊師利何者略說陀羅尼義所謂我說一切染法一切淨法彼一切法不覺相

無作相元分別相無我相如是如是法我說不覺無作元分別無我相以一切無覺元我相是故染法非先是染後時得淨諸淨法者亦非先淨後得名染愚癡凡夫依虛妄染身執著我法計自體相依因邪見而言有我所謂我能見能聞能覺能味能觸我能知我飲食我染我淨生如是等諸邪見行若人如是如實能知離煩惱身彼人能得離諸煩惱斷諸戲論畢竟清淨得元為身元有一切諸有為行文殊師利是名略說陀羅尼義應知

尔時世尊而說偈言

諸法本元染後時不清淨染及於清淨是諸法無我染身見有我生於我所相我染及清淨我見及以食若能如是知彼人離煩惱能得元染身是故名元為文殊師利菩薩白佛言世尊世尊如來心生有何等相願為我說佛告文殊師利文殊師利如來非心意意識得名而无諸行心生得名依應化身說名為生文殊師利言世尊若法身離於諸行云何離作心行而能生心

佛言文殊師利依本方便般若修行

自然而生文殊師利譬如睡眠無心

覺起而能覺起文殊師利如入滅盡

定而不起心依本作心自然而起文

殊師利如眠滅定二無起心依本而

起如是如來心生依本般若方便修

行成就應知

文殊師利菩薩白佛言世尊世尊說

如來應化所作化身為是有心為是

無心佛言文殊師利得言有心得言

无心何以故以自心不得自在故言無

心假他力故言有心文殊師利白佛

言世尊如世尊說如來行處如來境

界此二種法有何差別佛言文殊師

利言如來行處者一切諸佛功德平

等不可思議无量功德莊嚴清淨佛

之國土是名諸佛如來行處文殊師

利言如來境界者有五種何等為五

所謂衆生世界法界可化衆生界

方便界文殊師利如來行處如來境

界如是差別應知

文殊師利菩薩白佛言世尊世尊如

三種相云何差別應云何知佛告文
殊師利言文殊師利元有二相不證
菩提非不證菩提不轉法輪非不轉
法輪非入大涅槃非不入大涅槃文
殊師利言世尊我解世尊所說之義
何以故如來法身本來常清淨故應
化身示現故文殊師利言世尊衆生
見彼應化之身聞應化身解應化身
供養讚歎應化之身得諸功德於何
身得佛言文殊師利以能正念如來
身故以應化身依如來法身住持力得
文殊師利白佛言世尊世尊等无心
無作无行何義故如來法身為諸衆
生出大光明及出无量應化鏡像而
諸聲聞辟支佛等解脫之身元如是
相佛言文殊師利等元心無作無如
日月摩尼珠等為諸衆生出大光明
照種種物而水琉璃頗黎珠等无心
无作不出一切光明等物何以故依
大衆生住持力故依諸衆生增上業
故文殊師利譬如善巧練治珠寶能
出影像餘不善者不出光明文殊師
利諸佛如來亦復如是依無量法正

觀修行方便般若作諸善業集諸善

根依佛法身方便智慧出諸光明及

出無量應化色像聲聞緣覺解脫之

身不能修集一切善根故不能出

文殊師利菩薩白佛言世尊世尊說

依諸佛菩薩住持力故一切衆生成

就世間功德之身所謂生於刹利婆

羅門大長者家欲界色界无色界一

切處一切身一切功德果報成就皆

依諸佛及諸菩薩住持力得世尊何

意作如是說佛言文殊師利如來住

持之力及菩薩力隨說何等道何等

修行若有人能依於彼道如實修行

彼人一切生處一切身一切世間果報

成就文殊師利若人不能信於彼道

又復不能如實修行謗我法謬我法

而於我身生惡瞋心彼人命終一切

生處常得一切下劣惡身受惡果報

文殊師利依於此義汝今應知非但

成就上妙勝身及勝果報依佛如來

住持力得下劣惡身及惡果報亦依

如來住持力得

文殊師利白佛言世尊世尊不淨國

土中何法易得何法難得世尊淨佛

國土中何法易得何法難得佛告文殊師利言文殊師利不淨國土中有

八事易得二事難得何等為八所謂外道易得受苦衆生易得生下姓家

勢力敗壞易得惡行衆生易得破戒衆生易得入惡道衆生易得發下品

心小乘衆生易得發菩提心菩薩狹劣心易得

文殊師利何者二事難得高心修行菩薩難得諸佛如來出世難得文殊

師利淨佛國土中八事難得二事易得應如是知今時文殊師利法王子

菩薩白佛言世尊此深密解脫修多羅中此法門當名何等云何奉持佛

告文殊師利法王子菩薩言文殊師利此法門名說諸佛如來住持力了

義經文殊師利如來所說了義修多羅其義如是汝當奉持說此如來住

持力了義經時七万五千菩薩得滿足法身文殊師利法王子菩薩摩訶

薩及諸一切天人阿修羅大眾歡喜奉行

深密解脫經卷第五

癸卯歲高麗國大藏部監奉勅彫造